



Bosnia and Herzegovina
Federation of Bosnia and Herzegovina

CANTON SARAJEVO
Ministry of Communal Economy and
Infrastructure

Broj: 27/01-05-33063-30/19 KB
Sarajevo, 07.11.2019.godine

SKUPŠTINA KANTONA SARAJEVO

N/r: Predsjedavajući Skupštine

- Ovdje -

Predmet: Odgovor na zastupničko pitanje zastupnika Zvonka Marića – dostavlja se

Zastupnik Zvonko Marić na 13. Radnoj sjednici Skupštine Kantona Sarajevo, održanoj dana 25.09.2019.godine, u okviru tačke Dnevnog reda „Poslanička/zastupnička pitanja, inicijativa i odgovori“, a u skladu sa članom 211. i 214. Poslovnika Skupštine Kantona Sarajevo postavila je zastupničko pitanje:

Tragom informacije koja se pojavila u medijima u kojem Udruženje sportskih ribolovaca „Sarajevo-1906“ moli Vladu Kantona Sarajevo da ne dozvoli pomor ribe, u kojem između ostalog kažu:

„Nekoliko puta su ostavili potpuno suho korito kada su izazvani veliki pomor ribe. Trenutno je stanje alarmantno i tendencija je, ukoliko se ne vrati tok, da će opet nastati ekološki incident. Sarajevski ribolovci koji dežuraju i nadgledaju stanje mole nadležne u JKP „Vodovod i kanalizacija“, Ministarstvu privrede, ali i Vladu Kantona Sarajevo da reaguju i ne dozvole da se dese pomori ribe i ostalog biodiverziteta. Mi smo ti od kojih se insistira da Kantonu Sarajevo redovno izmirujemo svoje obaveze po pitanju plaćanja naknade za korištenje ribolovnog prava, a firma čiji je osnivač ta ista Vlada nam uništava riblji fond. Nadamo se da će ovaj put nadležni na vrijeme reagovati.“

Molim da mi se dostave detaljne informacije o ovom problemu, te sljedeće informacije:

1. U kakvom stanju se nalaze naša izvorišta po pitanju količine vode koju crpimo?
2. Da li previše vode crpimo iz njih?
3. Da li je u ljetnim periodima bez kiše ugroženo vodosnabdijevanje kao i kvalitet vode?
4. Da li je intenzivna i nelegalna sječa šume također razlog smanjenja kapaciteta izvorišta?

Zastupnik SBB BiH
Zvonko Marić



web: <http://mki.ks.gov.ba>
e-mail: mki@mki.ks.gov.ba
Tel: + 387 (0) 33 562-086,
Fax: + 387 (0) 33 562-177

Sarajevo, Reisa Džemaludina Čauševića 1

ODGOVOR:

Pitanje 1.

Izvorišta vode za piće u Sarajevskom polju se nalaze u stanju visokog rizika. Zapravo, radi se o najkompleksnijoj mogućoj vodozahvatnoj zoni u okviru koje se nalazi više vrsta izvorišta, i to:

Iz otvorenog toka rijeke Bosne; Infiltracijom putem infiltracionog kanala Konaci, Infiltracijom iz vodotokova rijeka Bosne, Željeznice i Večerice; Zahvatanjem vrela; Zahvatanjem putem bunarskih postrojenja iz vodonosnih slojeva u podzemlju.

Obzirom da je izdašnost svih nabrojanih izvorišta ograničena, između ostalog i količinom vode u doticaju kao i zapreminom akumulirane vode u vodonosniku, prekoračenjem maksimalne dopuštene količine zahvatanja narušava se ravnoteža i održivost čitavog sistema. Na primjer, u svim studijama se navodi da je maksimalna dopuštena količina zahvatanja vode iz rijeke Bosne $Q_{max.} = 600$ l/s. Procjena je da se na području infiltracionog kanala Konaci zahvata do 1.200 l/s, u ovisnosti od perioda godine. To nadilazi projektovanu vrijednost u smislu obezbjeđenja *ekološki prihvatljivog potoka* - EPP. Područje rijeke Bosne na kojem su vidni ovi poremećaji je već u zoni Rimskog mosta. Time je pojava gubitka vode u rijeci, sa navedenim posljedicama, sasvim očekivana.

Pitanje 2.

Generalno, sve dosadašnje analize upućuju da se iz vodozaštitnih zona Sarajevsko polje može zahvatati od 800 – 1.200 l/s u ovisnosti od hidrološke situacije. Ovo obuhvata sva nabrojana izvorišta navedena pod 1. Evidentno je da se iz ovog područja zahvata u prosjeku oko 2.800 l/s, čime se zahvata oko 300% više vode od količine koja je održiva. Sistem je prenapregnut, sa posljedicama koje devastiraju čitavo područje i koje ne možemo predvidjeti. Ovakvo stanje je neodrživo sa mogućnošću dugotrajnog gubitka čitavog izvorišta.

Pitanje 3.

Vodosnabdijevanje je ugroženo i nalazi se u zoni visokog rizika u svim segmentima.

Pitanje 4.

Intenzivna i nelegalna sječa šume daje doprinos pogoršanju situacije. Međutim, mora se napomenuti da sve naprijed navedeno toliko ekstremno utiče na uništenje sistema vodosnabdijevanja, da sječa šuma predstavlja tek neznatan uticaj. U normalnim okolnostima, to bi bilo itekako značajno.


Zaključak:

Stanje oko vodozaštitnih zona Sarajevsko polje je alarmantno. Odgovor na moguću zaštitu i osiguranje obezbjeđenja potrebnih količina vode za Sarajevo nalazi se u „Odluci o privremenoj zaštiti izvorišta vode za piće Sarajevsko polje“, koja je 25.05.2018.godine dostavljena Ministarstvu privrede Kantona Sarajevo na daljnje postupanje. Ista je trebala da bude dostavljena Skupštini Kantona Sarajevo na usvajanje. To je u ovom momentu jedina aktivnost koja nas može sačuvati od kolapsa sistema i da uspijemo, eventualno, sačuvati ovaj resurs koji je vitalan za Sarajevo.

S poštovanjem,

Dostavljeno:

1. Naslovu, 2x
2. Vlada Kantona Sarajevo, na znanje,
3. Evidencija,
4. a/a.



MINISTAR

mr. sc. Srdan Mandić



web: <http://mki.ks.gov.ba>
e-mail: mki@mki.ks.gov.ba
Tel: + 387 (0) 33 562-086,
Fax: + 387 (0) 33 562-177

Sarajevo, Reisa Džemaludina Čauševića 1